

239

V I R O
MAGNIFICO, AMPLISSIMO ET
CONSULTISSIMO
DN. SIMONI
WEISSIO

hactenus Reg. Civit. Thorunens. Consuli
& Ær. Publ. Præf. primario,

Nec non

Scholarchæ bene merito,
JAM PRÆSIDI INCLITI MAGISTRATUS
ET PRÆCONSULI SOLENNITER
ELECTO,


NOVAM DIGNITATEM DIE VII. APRIL A. R. S.
M. DCC. XXXIV. COLLATAM,

Felicem, diuturnam, & undique salutem

Senili Carmine

Gratulabundus apprecatur

I. ZABLERUS P. O.



T H O R U N I I
Impressit Ioh. Nicolai NOBIL. SENAT. & GYMN.
Typographus.

Fata favent senibus: nondum est effoeta senectus:
Flore novo subito cana nitescit hiems,
Nempe aliter crescunt homines iterumque fatiscunt,
Diversisque modis mitia poma ferunt.
Bruta quidem tellus iam veris pandit honores,
Quum leni Zephyro gleba soluta calet;
Iam culmis patulos vestit Cerealibus agros,
Horreaque agricolæ messis opima replet;
Mox pluvio autumnos spumat vindemia labris
Plenior, & nudo sub pede musta fluunt.
Quamprimum at Boreas iussit torpere Soracten,
Et nivibus spissis est remoratus aquas;
Nullus honor veris superest, non campus aristis
Flavescit, sed nec Bacchica mella fluunt.
Sic etiam vita est hominum: iuvenilibus annis
Fervescit nimium, & tempora verna refert.
Tunc animi in pugnam faciles Marvortia spirant
Arma, acies densas rumpere non metuunt.
Tunc quoque furtivi venas populantur amores,
Admovit quoties Lesbia sæva faces.
Excelsos gestant animos, quibus integer ævi
Sanguis corde fluit, mobile robur adest.
Hi vel vela parant, nigrosque feruntur ad Indos,
Torporem indociles pauperiemque pati;
Vel Procerum invisunt aulas streperumque tribunal,
Et fora Marte suo litigiosa crepant.
Nempe hos ambitio perfusaque gloria fuco
Vexat, & immensum gloria calcar habet.
Non illos curæ vigiles, non ardua frangunt,
Dum modo fama & opes concomitentur eos.
Heu nimium miseros! veniet rugosa senectus,
Adveniet strepitum non faciente gradu;
Omnia turbabit dextram subeunte bacillo,
Lætaque sordebunt, quæ placuere prius.

Nostra

Nostra hæc conditio est : morimur, dum vivere posse
 Credimus, ac subito nos Libitina rapit.
 Tempora volvuntur, sed vix meliora redibunt,
 Mutaturque poli semper ad instar homo.
 Sunt exempla tamen, quorum de vexior ætas
 Floruit, & gemmas cana senectâ tulit.
 Gemmæ inquam fascēs fuerant tituliq; superbi,
 Quos pridem meritos Curia celsa dedit.
 Per varios namque ire gradus solet ardua virtus,
 Infima non temnit, summaque rite petit.
 Vidimus erudibus congesta palatia saxi
 Surgere, & æquari nubibus atque polo.
 Vidimus includi peregrina ex arbore germen :
 Parvum erat, at sensim crescere cœpit idem ;
 Maiorque ad cælum ramis felicibus arbor
 Exiit, evâli dorobore summa petens.
 Sic TIBI, dulce decus nostrique insigne Lycæi
 Præsidium, vita fata dedere frui.
 CONSULIS implesti parteis & IVDICIS æqui,
 BVRGGRABIVM patria est de venerata gravem.
 Quin etiam FISCO distrinxit cura capaxis,
 Quin eu deficeret, meta laboris erat.
 Iam PATRVM voluit Venerabilis Ordo tenere
 Munera PRÆSIDII, summaque iura dare.
 Scilicet hæc visa est TE PRÆSIDE digna palæstra;
 Amplior ad laudes area nulla fuit.
 Virtutes sed nolo TVAS extollere multis:
 In TE est, quod laudes vincat & ingenium:
 Magnus amor patriæ libertatisque sepultæ;
 Mens invicta malis justitiæque tenax ;
 Gratia Magnatum factis verbisque parata,
 Quos toga spectatos reddidit atque sagum.
 Aures atque manus oculique ad munera clausi;
 Ad dandum afflictis semper operta manus :

Hæc

Hæc movere PATRES, positaque coronide mentis
Iussere effigiem summa tenere TVÆ.
Heu mihi, quod Musis subduxit sparta SCHOLARCHAM
Altior, ac Pindo parcior unda fluet.
Vivitur hic parce, trahitur vix spiritus ære
Exiguo, pannis obsita Musa gemit.
Sic dum fama nequit pestem hanc depellere, vires
Quid mirum minui, deteri & ingenium?
At magis angor, ais, tantæ succumbere moli,
Undique quæ terret membraque fessa premit:
Tussis anhelat quatit pectus capitisque senilis
Compagem, noctu cura recurrit edax:
Succedat vegetus, succedat iunior annis,
Molem hanc enormem qui gerat atque regat
Quid nos, quid reliqui, quænam solatia fundant,
Ut mente intrepida sustineatur onus?
Illud mente pia perpendas, OPTIME PRÆSES,
Quod satis edoctum pagina sacra docet:
Destinat ipse Deus meritis tempusque locumque,
Et vires humeris sufficit ipse TVIS.
Tempora si mala sunt, si Mavors omnia turbat,
Si nusquam illæso fors licet ire pede;
Arbitrio committe Dei curasque viasque,
Arbitrio quoniam non licet esse TVO.
TV legum compeſce malos formidine, & umbra
Protege, quos forsā noveris esse pios.
Nos, quando excubias pro afflictâ suscipis urbe,
Pro TE iterum superis fundere vota decet:
Magne Tonans faxis, virides sint PRÆSIDIS anni:
Tu suppone manus, ut leve fiat onus:
Livor eat, cedant ærumnæ & iurgia lingvæ:
Usque novo decori grandius adde decus.

ss(O)ss

inv. 112976

K. 1. 2. ad. 239